

TEZAUUR LITURGIC
8 NOIEMBRIE / 6 SEPTEMBRIE

ACATISTUL
SF. ARHANGHEL
MIHAIL



MOSCOVA, 2000



Акафист

Архангелу Божию Михаилу

Кондак 1

Избранный Небесных сил воеводо и рода человеческого заступниче, сие тебе иже тобою от скорбных избавляеми, благодарственное приносим пение: ты же, яко предстояй Престолу Царя Славы, от всяких нас бед свободдай, да с верою и любовью в похвалу тебе зовем:

Радуйся, Михайле, великий Архистратиге, со всеми Небесными силами.

Икос 1

Яко ангельских огнезрачных ликом предстоятеля, ангельскими убо и языки подобаше восхвалити тя, Михайле: но дондеже вразумляеми тобою навикнем безплотных глаголом, услыши, аще и от человеческих, обаче благодарных устен, сиевая:

Радуйся, звездó мира первообразная;
радуйся, свещé истины и правды
златозарная.

Ра́дуйся, луче́й све́та несозда́ннаго пе́рвый во
а́нгельских ликостоя́нних прие́мниче;

ра́дуйся, А́нгелов и Арха́нгелов нача́льниче.

Ра́дуйся, в нёмже наивя́ще светле́ется сла́ва
Тво́рческа́я Десни́цы;

ра́дуйся, и́мже красу́ются собо́ры все́х
сущес́тв безплóтных.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Конда́к 2

Прови́дяще ве́ры очеса́ми вели́чие духо́вныя
красо́ты и си́лу молниеносны́я десни́цы твоея́,
Арха́нгеле Бо́жий, мы́, я́ко земни́и и плóтию
обложё́ннии, удивле́нием, ра́достью и
благодарё́нием ко Творцу́ вся́ческих
исполня́емся, зову́ще со все́ми Небе́сными
си́лами: Аллилу́иа.

И́кос 2

Ра́зум чи́ст и свобóден от страсте́й испроси́
на́м, пречу́дный Михаи́ле, Небе́сных чино́в
нача́льниче, да, возне́сшися мы́слию от земны́х к
Небе́сным, хвале́бную пе́снь воспоём ти́ си́це:

Ра́дуйся, Бо́жия неизрече́нныя красо́ты и
добро́ты ближа́йший зри́телю;

ра́дуйся, всеблагих сове́тов Пресвяты́я
Тро́ицы преи́скренний тайнниче.

Ра́дуйся, преве́чных суде́б Тро́ических
ве́рный исполните́лю;

ра́дуйся, ему́же с любо́вию уди́вляю́тся
Небе́сная во́инства.

Ра́дуйся, его́же с ве́рою просла́вляют
земноро́днии;

ра́дуйся, его́же трепе́щут а́дския си́лы.

Ра́дуйся, Миха́йле, вели́кий Архистрати́же, со
все́ми Небе́сными си́лами.

Конда́к 3

Си́лу необори́мая ре́вности по сла́ве Бо́жией
в себѣ явля́я, ста́л еси́ во главе́ лико́в а́нгельских,
Миха́йле, проти́ву ды́шащаго зло́бою, прегорда́го
денни́цы, ему́же со те́мными клеврѣты́ его́ с
высо́ты небе́сныя в преиспо́днюю низве́ржену
су́щу, во́инства Небе́сная, тобо́ю пресла́вне
води́мая, с весе́лием, я́ко еди́ными усты́, пред
Престо́лом Бо́жиим возгласи́ша: Аллилу́иа.

И́кос 3

И́мать тебе́, Арха́нгеле Миха́йле, ве́сь ро́д
христиа́нский вели́ка засту́пника и дивна́ во
бра́нех с проти́вными помо́щника: сего́ ра́ди

пречуднаго покрѡва твоего сподобитися
желающе, в день торжества твоего взываем ти
сице:

Радуйся, имже сатана, яко молния, с Небес
низвержесе;

радуйся, имже хранимый род человеческий к
Небесі восходит.

Радуйся, всесвѣтлаго міра Горняго предивное
украшение;

радуйся, падшаго міра дольняго преславное
заступление.

Радуйся, николиже силами зла побежденный;
радуйся, со всеми Ангелы Божиими во истине
и правде на веки благодатию Божиею
утвержденный.

Радуйся, Михайле, великий Архистратиге, со
всеми Небесными силами.

Кондак 4

Бури искушений и бед избави нас, Ангелов
первопрестольниче, с любовью и радостью
пресвѣтлое торжество твое совершающих: ты бо
еси в бедах великий помощник и в час смерти от
злых духов хранитель и заступник всех

вопию́щих твоему́ и нашему́ Влады́це и Бо́гу:
Аллилу́иа.

И́кос 4

Ви́дяще твоё протіву по́лчищ сатани́нских
дерзнове́ние, всі́ чинове а́нгельстии с ра́достью
подвиго́шася восле́д тебе́ на бра́нь за імя и
сла́ву своего́ Влады́ки, вопи́юще: кто́ я́ко Бо́г?
Мы́ же, ве́дуще сатану́ под нога́ма твоі́ма
пове́ржена, тебе́, я́ко победі́телю, зове́м:

Ра́дуйся, імже мі́р и тишина́ на Небеси́
водвори́шася;

ра́дуйся, от него́же ду́хове зло́бы да́же до а́да
низложи́шася.

Ра́дуйся, а́нгельския во́инства и си́лы ми́ра
невидима́го ко истребле́нию зла́ направля́й;

ра́дуйся, прю́ и возму́щение стихі́й ми́ра
ви́дима́го незримо́ укроща́й.

Ра́дуйся, подъя́млющих бра́нь к духо́вом
зло́бы поднебе́сным дивны́й спобо́рниче;

ра́дуйся, изнемога́ющих во искуше́ниях и
напа́стех ве́ка сего́ кре́пкий помо́щниче.

Ра́дуйся, Михаі́ле, вели́кий Архистрати́же, со
все́ми Небе́сными си́лами.

Кондак 5

Боготочный источник превеликих чудес
явился еси во храме твоём, иже в Хонех; не
точию бо змий великий и страшный, на месте
том пребывавый, силою твоєю потребися, но и
струи водныя, всякий недуг телесный
врачующия, открывшася, да вси
прославляющему тя Владыце Ангелов с верою
зовут: Аллилуиа.

Икос 5

Слышаще и вѣдуще тя яко светило великое,
посредѣ ликѣвъ ангельских блистающася,
пречудный Михайле, к тебе, по Бозе и Пресвятей
Матери Божией, прибегаем: озари лучами света
твоего всех нас, вопиющих ти сице:

Радуйся, вождю и хранителю в пустыни
народа богоизбраннаго;

радуйся, высокій посредниче закона, рукою
Моисеа на Синаи даннаго.

Радуйся, у негоже судии и вожди Израилевы
силу и покров обретаху;

радуйся, чрез негоже пророцы и
первосвященницы иудейстии дар ведения от
всеведущаго Бога приимаху.

Ра́дуйся, богобоя́зненныя законода́вцы
та́йною премудро́стию снабдева́яй;

ра́дуйся, су́д и пра́вду творя́щим бла́гость на
се́рдце полага́яй.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Конда́к 6

Провозвѣстника тѣ Божіих судьб егда узрѣ
некогда Маное, недоумѣния и страха исполнися,
мня не жити кому на земли; научен же от жены
своея о благодати явленія и кротости словес
твоих, в радости о имевшем родитися, по
словеси твоему, сыне своем Сампсоне,
благодарне возопи Богу: Аллилуиа.

Икос 6

Воссиял еси пречудно славою, Михаи́ле, егда
во образе челове́честе пред Иисусом Нави́ном
ста́л еси́, глаго́ля: Иззуй сапо́г с ногу́ твоёю: аз
е́смь Архистрати́г си́лы Господни. Таковому
явлѣнію твоему чудящися, с любовью вопиѣм
ти:

Ра́дуйся, боговенча́нных гла́в неусы́пный
охранителю;

ра́дуйся, противля́ющихся вла́сти, я́ко Бо́жию повеле́нию противя́щихся, ско́рый низложи́телю.

Ра́дуйся, усмири́телю наро́дных трево́лнений;

ра́дуйся, незри́мый упраздни́телю злочестивых обы́чаев.

Ра́дуйся, я́ко ты́ просвеща́еши сомня́щихся в ча́с лю́тых недоуме́ний;

ра́дуйся, я́ко ты́ исхища́еши искуша́емых от пагубоно́сных наважде́ний.

Ра́дуйся, Михаи́ле, вели́кий Архистрати́же, со все́ми Небе́сными си́лами.

Конда́к 7

Хотя́й Влады́ка вся́ческих показáти, я́ко жре́бии сыно́в челове́ческих не самослуча́йнии су́ть, но в десни́це Его́ вы́ну содержа́тся, даде́ ты́ ца́рствам земны́м заступника́ и храните́ля, да племена́ и наро́ды к ве́чному Ца́рствию Бо́жию уготовля́еши; сего́ ра́ди вси́, ве́дущии о вели́цем служе́нии твоём спасе́нию челове́ческому, благода́рне зову́т Бо́гу: Аллилу́иа.

И́кос 7

Но́вая чудеса́ показá нам, Архистрати́же, тобою́ на земли́ все́х чудес Творе́ц и Влады́ка, егда́ хра́м, во и́мя твоё созданны́й, от

потоплѣнія водами рѣчными дивно спѣсѣ еси,
струям пото́ка в недра земная устремити́ся
повелѣвый: еже видѣ блаже́нный Архипп с
духовными ча́ды своими, благодарне к тебе́
возопи́:

Ра́дуйся, святы́х хра́мов Бо́жиих
несокруши́мая ограда́;

ра́дуйся, враго́м ве́ры Христо́вы необори́мая
преграда́.

Ра́дуйся, егѣже велѣ́нию стихии́ покарѣ́ются;
ра́дуйся, имже́ вси́ злобнии́ за́мыслы
сокруша́ются.

Ра́дуйся, ве́рным ра́дость от Престо́ла
Вседержи́теля износя́щий;

ра́дуйся, неве́рных на стезю́ правды́ и
и́стины приводя́щий.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Конда́к 8

Стра́нное чу́до си́лы твоея́, Архистрати́же
Бо́жий, увѣде на себѣ́ Авваку́м, егда́ по ма́нию
Бо́жию восхитив, принѣсл еси́ егѣ́ скороте́чне от
Иудеи́ в Вавило́н, да́ти пи́щу Дании́лу, в ро́ве со

львы́ заключѣну: тѣмже удивля́ся превели́кому
дѣйствию́ си́лы твоея́, возопи́ с вѣрою: Аллилу́иа.

Икос 8

Вѣсь еси́ в вы́шних, Михаи́ле, Престо́лу Царя́
Сла́вы предсто́яй, не далѣк еси́ и от ни́жних,
ра́туя вы́ну со врага́ми спасѣ́ния челове́ческаго:
тѣмже вси́ вожде́леннаго Оте́чества Небе́снаго
достигну́ти хотя́щии согла́сно тебе́ зову́т:

Ра́дуйся, нача́льниче трисвята́го а́нгельскаго
пѣ́ния;

ра́дуйся, земноро́дных прѣсно гото́вый
предста́телю и храните́лю.

Ра́дуйся, прегорда́го фарао́на с неверны́ми
египтяны́ порази́вый страннообра́зно;

ра́дуйся, ве́рныя иуде́и путево́дывый в
пусты́ни пресла́вно.

Ра́дуйся, имже́ угаси́ся пла́мень пе́щї
вавилонскія́;

ра́дуйся, имже́ посрами́шася ко́зни
бесовскія́.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Кондак 9

Всі́ ино́цы Святы́я Горы́ Афѳонскія в радостный трѣпет приидѳша, видяще, како богобоязненна ѳтрока, неистовно от нечестивых златолюбцев во глубину морскую с каменем повержена, спасл еси: темже приявша его обитель, именем твоим красующися, благодарне взывает ко Господу: Аллилуиа.

Икос 9

Ветий глаголы и любомудров смыслы не довлеют ко изглаголанию силы твоея, Михайле, како во едину нощь сто осмьдесят и пять тысяч поразил еси от воев царя ассирийска Сеннахирима, да накажется прочее не хулити имя Господне: мы же, почитающе святую ревность твою о славе Бога Истиннаго, с веселием зовем ти сице:

Радуйся, православных воинств непобедимый воеводо;

радуйся, зловерных ратей страх и низложение.

Радуйся, правья веры и богочитания насадителю;

ра́дуйся, душевредных ересей и расколов
искоренителю.

Ра́дуйся, благочестивыя Маккавеи на поле
брани многажды укрепивый;

ра́дуйся, нечестиваго вождя Антиохова
Илиодора в самом храме поразивый.

Ра́дуйся, Михайле, великий Архистратиге, со
всеми Небесными силами.

Кондак 10

Спасти́ся хотя́щим на́м бу́ди помо́щник
твёрд, Архистратиге Бо́жий, избавля́й и
храня́й на́с от бе́д и напа́стей, па́че же от злы́х
на́выков и грехо́в на́ших, да, преспева́юще в
ве́ре, наде́жде и любви́ Христо́ве, с ра́достью о
предивнем заступле́нии твоём, ко Влады́це
А́нгелов и челове́ков благода́рне зове́м: Аллилу́иа.

Икос 10

Стена́ еси́ ве́рующим челове́ком,
Архистратиге Бо́жий, и сто́лп кре́пок во бранех
со врага́ми ви́димыми и неви́димыми: сего́ ра́ди
от сетей бесо́вских тобо́ю избавля́еми,
благода́рным се́рдцем и усты́ зове́м си́це:

Ра́дуйся, враго́м ве́ры и сопроти́вником
Святы́я Це́ркве непобеди́мый противобо́рниче;

ра́дуйся, смире́нным провозвѣстником
Евангелія неутомимый споспѣшнице.

Ра́дуйся, во тьме́ зловерія сидящих свѣтом
вѣры Христо́вы просвеща́яй;

ра́дуйся, лжемудрием объюродевших на
сте́зю истины и покая́ния наста́вляяй.

Ра́дуйся, гро́зный отмсти́телю клянущимся
и́менем Бо́жиим всу́е;

ра́дуйся, молниеносный кара́телю
глумящихся безумне о та́инствах святы́я вѣры.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Конда́к 11

Пе́ние всякое хвале́бное побежда́ется
мно́жеством чудес твои́х, Архистрати́же Бо́жий,
я́же соверше́на су́ть тобою не то́чию на Небеси́ и
на землі, но и в те́мных се́нех преиспо́дней,
иде́же глубиннаго зми́я связа́л еси́ у́зами си́лы
Госпо́дни, да избавля́емии от зло́бы его́
благословя́т Влады́ку Небесе́ и землі, зову́ще:
Аллилу́иа.

И́кос 11

Светоно́сный служи́тель истины и чистоты́
богопочита́ния яви́лся еси́, Архистрати́же, егда́,

провидя ко́зни дѹха тѣмы, воспретѣл еси́ ему́
и́менем Бѹжиим, да не дерзнет сокровѣнное тѣло
почившаго вождя́ Израїлева Моисѣа явити ко
обоженію чѹвственным сыновѹм Израїлевым:
сего́ ради, чтѹще ны́не благосвѣтлый собѹр тво́й,
благодарне вопиѣм ти́:

Ра́дуйся, чистотѹ боговѣденія во дни́ Вѣтхаго
Завѣта среди́ иудѣев сохрани́вый;

ра́дуйся, плѣвелы заблуждѣний во дни́ Но́вья
благодати мно́гажды искорени́вый.

Ра́дуйся, язы́ческих прорица́лиц и куміров
истребителю́;

ра́дуйся, христиа́нских подви́жников и
страстотѣрпцев укрепителю́.

Ра́дуйся, немощны́я дѹхом сілою́ благодати
Бѹжией исполня́й;

ра́дуйся, изнемога́ющія плѹтию всеорѹжием
вѣры облака́й.

Ра́дуйся, Михаїле, вели́кий Архистрати́же, со
все́ми Небе́сными сілами.

Конда́к 12

Благодать от Бо́га с Небесе́ испроси́ нам,
пою́щим во сла́ву всечестна́го и́мене твоего́,
Михаїле, да, осеня́еми твои́м заступлѣнием, во

всѣмъ благочестіи и чистотѣ поживѣмъ,
дѣлающе, отрешеніи смертію отъ узъ плоти,
сподобимся предстати огнезрѣчному Престолю
Царя Славы и съ лики ангельскими возопити:
Аллилуиа.

Икос 12

Поюще многообразная твоя чудеса, Михайле,
во спасение наше содеянная, молим Господа и
Владыку всяческих, да дух ревности по славе
Божией, иже в тебе, николиже оскудеет и в нас,
зовущихъ ти сице:

Радуйся, верныхъ рабовъ Божіихъ во время
благопотребно на высоту власти предивно
поставляя;

радуйся, дерзкихъ и недостойныхъ с высоты
силы и славы незримо низлагая.

Радуйся, в день последний избранныхъ отъ
четырехъ концевъ земли имей собрати;

радуйся, имже грешнии, яко плевелы, по
гласу Божию, огню вечному предани будутъ.

Радуйся, имже сатана со аггелы его во езеро
огненное на веки повергнется;

радуйся, имже праведнии во обителехъ Отца
Небеснаго преславне водворятся.

Ра́дуйся, Михаи́ле, вели́кий Архистрати́же, со
все́ми Небе́сными си́лами.

Конда́к 13

О пречу́дный Арха́нгелов и А́нгелов
нача́льниче, за предивное служе́ние твоё
спасе́нию ро́да челове́ческаго приими́ от нас
возноси́мый к тебе́ ны́не глас хвалы́ и
благодарёния, и яко́ испо́льнъ си́лы Бо́жией,
покры́й нас невеще́ственнымима крило́ма твои́ма
от все́х врагъ ви́димых и неви́димых, да
прославля́емому тобо́ю и просла́вившему тя́
Го́споду вы́ну зове́м: Аллилу́иа.

Этот конда́к чита́ется трижды, затем 1-й
и́кос и 1-й конда́к.

Моли́тва

Святы́й и вели́кий Арха́нгеле Бо́жий Михаи́ле,
неисповеди́мыя и пресу́щественныя Трои́цы
пе́рвый во А́нгелех предста́телю, ро́да же
челове́ческаго приста́вниче и храни́телю,
сокруши́вый с во́инства свои́ми главу́
прего́рдаго Денни́цы на Небеси́ и посрамля́яй
вы́ну зло́бу и кова́рства его́ на земли́! К тебе́
прибега́ем с ве́рою и тебе́ мо́лимся с любóвию:
бу́ди щит несокруши́м и забра́ло твёрдо Святе́й
Це́ркви и Правосла́вному Оте́честву на́шему,

огражда́я их молниеносным мечём твоим от всѣх враг, видимых и невидимых. Не остави же, о Архангеле Божий, помощью и заступлением твоим и нас, прославляющих днесь святое имя твое: се бо, аще и многогрешни есмы, обаче не хощем в беззаконіих наших погибнути, но еже обратитися ко Господу и оживлённым быти от Него на дела́ благая. Озари́ убо ум наш светом лица́ Божия, иже выну сияет на молниевиднем челе́ твоём, да возможем разуме́ти, что́ есть воля́ Божия о нас благая и совершенная, и ведети вся, яже подобает нам творити и яже презирати и оставляти. Укрепі́ благодатию Господнею слабую волю и немощное произволение наше, да, утвердившися в законе Господнем, престанем прочее вла́тися земными помыслы и похотении плоти, увлекающеся, по подобию несмысленных дете́й, скорогибнущими красота́ми міра сего́, яко ради тленнаго и земнаго безумне забывати вечная и небесная. Над все́ми же сіми испроси́ нам Свы́ше дүх и́стиннаго покая́ния, нелицемерную печаль по Бо́зе и сокруше́ние о гресѣх наших, да остающее нам число́ днѣй временнаго живота́ нашего иждивём не во угождении чувств и работе́ страстём нашим, но во изглаждении зол,

содѣянныхъ нами, слезами веры и сокрушения сердечнаго, подвигами чистоты и святыми делами милосердія. Егда же приблизится часъ окончанія нашего, освобожденія отъ уз брэннаго сего телесе, не остави насъ, Архангеле Божій, беззащитныхъ противу духовъ злобы поднебесныхъ, обыкшихъ преграждати душѣ человѣчестей восходъ въ горня, да, охраняеми тобою, безпреткновенѣе достигнемъ оныхъ преславныхъ селеній райскихъ, идеже нѣсть печаль, ни въздыханіе, но жизнь безконечная, и, сподобльшеса узрѣти пресвѣтлое лице Всеблагаго Господа и Владыки нашего, падше со слезами у ногъ Его, в радости и умилѣнии воскликнемъ: слава Тебѣ, дражайшій Искупителю нашъ, Иже за премногую любовь Твою къ намъ, недостойнымъ, благоволи еси послати Ангелы Твоя в служеніе спасенію нашему! Аминь.

